

korisnike itd. Ako to ne pomogne, tražite pomoć servisa za održavanje programske opreme. Porast broja grešaka CTL/S najvjerojatnije znači da korisnici Emulatora koriste zabranjeni način zaustavljanja ispisa na ekranu s CONTROL/S.

4.3.) GREŠKE NE STROJNOJ OPREMI

Greške na Vašoj strojnoj opremi mogu se manifestirati na više načina:

- Emulator se ne može pokrenuti
- nema pollinga
- sistem pada.

Prvo treba provjeriti da li je oprema postavljena i ukopčana. Ukoliko sinhroni interface ne postoji na sistemu ili nije ukopčan u napajanje (provjerite sklopku na expansion box-u), Emulator će javiti grešku:

```
*** DMD ERROR *** ATTACH UT: I/O ERROR STATUS: 277
```

Ta se greška može uočiti i ukucavanjem MCR-komande DEV kojom će prilikom uz uređaj UT: biti ispisano OFFLINE LOADED. Unload-anje driver-a UT: će tu poruku izmijeniti u OFFLINE UNLOADED. Ukoliko modem nije ukopčan, nije prebačen u režim za prenos podataka (modemi za birane linije) ili je u kvaru, Emulator će javiti grešku:

```
*** DMD ERROR *** ATTACH UT: I/O ERROR STATUS: 375
```

Ako Emulator ispisuje neku drugu poruku o grešci možete je pokušati otkloniti sami ili uz pomoć servisa za održavanje programske opreme. Prije nego poduzmete bilo kakvu akciju u tom smislu, provjerite iz priručnika operativnog sistema, značenje koda greška (Npr.: Status 375 = IE.DNR... (DEVICE NOT READY)). Ako ne stiže polling po liniji (lampica na modemu koja označava primljenu poruku po liniji se ne pali, statistički podaci se ne mijenjaju, vrijeme u statističkom prikazu 'stoji'), telefonska linija je u prekidu, modem na jednoj ili drugoj strani nije prekopčan na prenos podataka ili nije podignuta odgovarajuća linija na host sistemu. Uzrok može biti i u neusklađenosti para modema.

Ako sistem pada, treba tražiti pomoć servisa za održavanje strojne opreme.